



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

სადოქტორო პროგრამა საერთაშორისო ურთიერთობებში

1. **სადოქტორო პროგრამის სახელწოდება:** საერთაშორისო ურთიერთობები
International Relations
2. **მისანიჭებელი აკადემიური ხარისხი:** საერთაშორისო ურთიერთობების დოქტორი
PhD in International Relations
3. **პროგრამის ხელმძღვანელი:** თორნიკე თურმანიძე, საერთაშორისო ურთიერთობების
დოქტორი, პროფესორი, ივანე ჯავახიშვილის სახელობის თბილისის სახელმწიფო
უნივერსიტეტი.
4. **პროგრამის მოცულობა კრედიტებით:** 40 ECTS კრედიტი
5. **სწავლების ენა:** ქართულ - ინგლისური

პროგრამის სასწავლო კომპონენტი ქართულ ენაზე ხორციელდება, თუმცა საერთაშორისო ურთიერთობების დოქტორანტს მოეთხოვება კვლევითი კომპონენტის მოკლე ვერსიის წარმოდგენა ინგლისურ ენაზეც, რადგან არა მხოლოდ შემფასებლები, არამედ სადისერტაციო საბჭოს სექციის წევრებიც არიან უცხოელებიც.

6. სადოქტორო პროგრამის საკვალიფიკაციო დახასიათება:

პროგრამის მიზანი:

საერთაშორისო ურთიერთობების სადოქტორო პროგრამის მიზანია შექმნას ახალი ცოდნა საერთაშორისო ურთიერთობების დისციპლინაში, უზრუნველყოს დოქტორანტების გაძლიერებული მომზადება სოციალური კვლევის მეთოდებში და განუვითაროს მათ სამეცნიერო კვლევისათვის აუცილებელი უნარები.

პროგრამა ამზადებს საერთაშორისო ურთიერთობების მაღალი დონის მკვლევრებსა და პრაქტიკოსებს, რომლებიც იცნობენ საერთაშორისო პოლიტიკის თეორიულ მიდგომებს, აგრეთვე პოლიტიკის, ეკონომიკის, სამართლის, სოციოლოგიის სფეროში თეორიულ ნააზრევს და თანამედროვე საერთაშორისო პოლიტიკურ პროცესებს.

პროგრამის ძირითადი ნაწილი ეთმობა კვლევას, ამასთანავე მოიცავს სასწავლო კომპონენტს, და ისახავს შემდეგ ამოცანებს:

- სტუდენტთა სადოქტორო კვლევის ხელშეწყობა და განვითარება;
- საერთაშორისო ურთიერთობებში თეორიული ცოდნის გაღრმავება და სრულყოფა, ახალი ცოდნის გენერირება;
- აკადემიური სწავლების/პედაგოგიკის უნარების განვითარების ხელშეწყობა.

პროგრამის სასწავლო კომპონენტი გრძელდება სულ მცირე სამი სემესტრი და მოიცავს: სემინარებს კვლევის დიზაინის შესახებ (ინტერდისციპლინური მეთოდოლოგია, პროგრესზე მუშაობის სემინარები), დისციპლინისთვის დამახასიათებელი ძირითადი სემინარები და აკადემიური პრაქტიკის სემინარები (სწავლებისა და ხელმძღვანელობის პრაქტიკა, კვლევის მენეჯმენტი,



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

აკადემიური სტატიის წერა, საგრანტო განაცხადის წერა).

სწავლის შედეგები (ცოდნა და გაცნობიერება, უნარები; პასუხისმგებლობა და ავტონომიურობა):

საერთაშორისო ურთიერთობების სადოქტორო პროგრამის დამთავრების შედეგად სტუდენტები მიიღებენ უახლეს მიღწევებზე დამყარებულ, გაღრმავებულ ცოდნას დისციპლინაში, ექნებათ უნარი განახორციელონ დისციპლინაში დაგროვილი აკადემიური და სამეცნიერო გამოცდილების კრიტიკული ანალიზი და მიღებული გამოცდილება ეფექტურად გამოიყენონ საერთაშორისო მასშტაბით კვლევისა და ცოდნის გავრცელებისათვის, როგორც სამეცნიერო პუბლიკაციების, ასევე აკადემიური სწავლების პრაქტიკის მეშვეობით.

კურსდამთავრებულს შეუძლია:

- ✓ ინოვაციური კვლევის დამოუკიდებლად ჩატარება და ანალიტიკური სამუშაოს შესრულება საერთაშორისო და საგარეო პოლიტიკის მიმართულებით, ასევე, პროფესიული სამუშაოს შესრულება სახელმწიფო და დიპლომატიურ სამსახურში, საზოგადოებრივ სექტორსა და საერთაშორისო ორგანიზაციებში და უმაღლეს სასწავლებლებში დისციპლინის სწავლება უახლესი მეთოდოლოგიების გამოყენებით;
- ✓ დამოუკიდებლად დაგეგმოს და განახორციელოს აკადემიური კვლევა საერთაშორისო ურთიერთობების სფეროში;
- ✓ ეფექტურად წარმოადგინოს საჯარო პრეზენტაციები ჩატარებული კვლევის შესახებ;
- ✓ დისციპლინაში განხორციელებული კვლევა გამოაქვეყნოს სამეცნიერო ნაშრომის სახით საერთაშორისო რეფერირებულ ჟურნალში;
- ✓ მოამზადოს ახალი სასწავლო სალექციო კურსი და განახორციელოს მისი სწავლება უახლესი მეთოდოლოგიების გამოყენებით;
- ✓ დისციპლინაში არსებული ცოდნის სინთეზი და ახალი ცოდნის გენერირება;
- ✓ კრიტიკულად შეაფასოს საკვლევ საკითხთან დაკავშირებული მიდგომები, თეორიულ ცოდნაზე და კვლევის მეთოდოლოგიურ უნარებზე დაყრდნობით წარმოადგინოს საზოგადოების წინაშე მდგარი პრობლემების გადაწყვეტის გზები და საშუალებები;
- ✓ თავის მოსაზრებები და კვლევის დასკვნები სათანადო ფორმით მიაწოდოს საზოგადოებასა და სამეცნიერო წრეებს როგორც წერილობითი, ასევე ზეპირი სახით, ქართულ და ინგლისურ ენაზე;
- ✓ თავისუფლად აწარმოოს თეორიული დისკუსია სფეროში მომუშავე სპეციალისტებთან საერთაშორისო მასშტაბით;
- ✓ მონაწილეობა მიიღოს საერთაშორისო კონფერენციებში. დამოუკიდებლად მიაღწიოს საკუთარი მოსაზრებებისა და კვლევის საერთაშორისო ასპარეზზე გატანასა და აღიარებას;
- ✓ მოახდინოს ცოდნის სინთეზი და ახალი ცოდნის გენერირება;
- ✓ დამოუკიდებლად შეადგინოს აკადემიური სასწავლო პროგრამა, სახელმძღვანელოს სახით მოამზადოს ახალი სასწავლო სალექციო კურსი და განახორციელოს მისი სწავლება ახალი მეთოდოლოგიების გამოყენებით;
- ✓ სამეცნიერო ეთიკის დაცვით, აკადემიური პასუხისმგებლობით, პლაგიატის გამორიცხვით, პატივი სცეს სამეცნიერო ღირებულებებს და გაითავისოს კვლევის ობიექტის მიმართ პასუხისმგებლობის გრძნობა.

პროგრამა ხელს უწყობს სტუდენტებს გახდნენ საერთაშორისო აკადემიური ქსელის წევრები.



კურსდამთავრებულთა დასაქმების სფეროები:

წინამდებარე სადოქტორო პროგრამის კურსდამთავრებულები შეძლებენ დაიკავონ აკადემიური პერსონალის თანამდებობები (ასისტენტი, ასოცირებული, ან სრული პროფესორი) უმაღლეს სასწავლებლებში და წარმართონ სწავლება საერთაშორისო ურთიერთობების, ან პოლიტიკური მეცნიერების პროგრამებში სამივე საფეხურზე: ბაკალავრიატში, მაგისტრატურასა და დოქტორანტურაში. მათ აგრეთვე შეეძლებათ იმუშაონ უნივერსიტეტში ადმინისტრაციულ თანამდებობებზეც. კურსდამთავრებულებს შეეძლებათ გაწიონ საერთაშორისო ურთიერთობებში კვალიფიციური ექსპერტის სამუშაო როგორც ქვეყნის შიგნით, ასევე საერთაშორისო დონეზე და იმუშაონ სამთავრობო, ან არასამთავრობო ორგანიზაციებში, დაგეგმონ და განახორციელონ მაღალი ხარისხის დამოუკიდებელი სამეცნიერო კვლევა და შეაფასონ სხვა მეცნიერებების მიერ ჩატარებული კვლევები.

7. სადოქტორო პროგრამაზე მიღების წინაპირობები:

- ⌋ ავტორიზებული უმაღლესი საგანმანათლებლო დაწესებულების მაგისტრის ან მასთან გათანაბრებული აკადემიური ხარისხი სოციალურ ან/და ჰუმანიტარულ მეცნიერებებში. მაგისტრის ხარისხი "საერთაშორისო ურთიერთობებში" ან/და „დიპლომატიასა და საერთაშორისო პოლიტიკაში“ პროგრამისთვის პრიორიტეტულია.
- ⌋ ინგლისური ენის ცოდნა - **C1 დონე** - აპლიკანტმა უნდა ჩააბაროს მისაღები გამოცდა თსუ-ს ენების ცენტრში ან წარმოადგინოს ცოდნის დამადასტურებელი შესაბამისი საერთაშორისო სერთიფიკატი (TOEFL IBT 61, IELTS 5, ან რომელიმე სხვა საერთაშორისო ტესტი. იხილეთ თსუ-ს აკადემიური საბჭოს დადგენილება #25/2011 დოქტორანტურის მინიმალური სტანდარტის დამტკიცების შესახებ, დანართი #2). აპლიკანტებს, რომლებსაც განათლება მიღებული აქვთ საზღვარგარეთ (გავლილი აქვთ ინგლისურენოვანი პროგრამები) გამოცდის ჩაბარება ან სერთიფიკატის წარმოდგენა არ მოეთხოვებათ.

მიღების პროცედურა:

გარდა უნივერსიტეტის მიერ მოთხოვნილი სააპლიკაციო პაკეტისა, აპლიკანტებმა დამატებით უნდა წამოადგინონ შემდეგი დოკუმენტაცია:

1. სამოტივაციო წერილი (აპლიკანტებმა უნდა აღწერონ საკუთარი აკადემიური და პროფესიული გამოცდილება, განიხილონ კარიერასთან დაკავშირებული სამომავლო მიზნები და ნათლად ახსნან თუ რატომ სურთ აღნიშნულ პროგრამაზე სწავლა. მათ ასევე უნდა მოიხსენიონ საკითხი, რომლის კვლევაც სურთ).
2. წერილობითი ნამუშევრის ნიმუში (კანდიდატებმა უნდა წარმოადგინონ ათგვერდიანი ნიმუში. განხილული საკითხები დაკავშირებული უნდა იყოს საერთაშორისო ურთიერთობებთან ან სოციალური მეცნიერებების სხვა საკითხებთან)
3. წიგნის ერთგვერდიანი მიმოხილვა (აპლიკანტებმა უნდა მიმოხილონ ნებისმიერი წიგნი საერთაშორისო ურთიერთობებიდან, რომელიც მათ ბოლო დროს წაიკითხეს. მათ უნდა აღნიშნონ რას ეხებოდა წიგნი, რა ისწავლეს მისგან და რატომ მოეწონათ ან არ მოეწონათ წიგნი)
4. სადოქტორო -კვლევითი პროექტის გეგმა (პროსპექტუსი) (იხ. დანართი)



8. სადოქტორო პროგრამის კომპონენტები:

სადოქტორო პროგრამის სასწავლო კომპონენტი მოიცავს 40 კრედიტს (ECTS) და გულისხმობს შემდეგ აქტივობებს:

სავალდებულო სასწავლო კომპონენტები - 25 კრედიტი:

- ✓ კვლევის მეთოდოლოგია სოციალურ მეცნიერებებში - ემპირიული კვლევის მეთოდები- 5 კრედიტი
- ✓ დარგობრივი სემინარი - 15 კრედიტი
- ✓ პროფესორის ასისტენტობა - 5 კრედიტი

არჩევითი სასწავლო კომპონენტები: 15 კრედიტი:

- ✓ პროფესორის ასისტენტობა - 5-10 კრედიტი
- ✓ არჩევითი სასწავლო კურსი ან საზღვარგარეთის აკრედიტებულ უმაღლეს სასწავლებლებში მოსმენილი სადოქტორო სასწავლო კურსი - 5 - 15 კრედიტი

სადოქტორო პროგრამის კვლევითი კომპონენტი მოიცავს:

- ✓ სამეცნიერო კვლევითი პროექტი 1
- ✓ სამეცნიერო კვლევითი პროექტი 2
- ✓ სამეცნიერო კვლევითი პროექტი 3
- ✓ სადისერტაციო ნაშრომის მომზადება და დაცვა.

სამეცნიერო კვლევითი პროექტი 1, 2 და 3 მხოლოდ განმავითარებელ შეფასებას მოიცავს და წარმოადგენს დაცვის წინაპირობას, ხოლო სადისერტაციო ნაშრომის დაცვისას გამოიყენება განმსაზღვრელი შეფასება.

სადოქტორო პროგრამაზე სწავლება მინიმუმ ექვსი სემესტრია (3 წელი).

პროგრამის სტრუქტურა

№	კურსი/სემინარი	საკონტაქტო საათები	კრედიტი (ECTS)	პერიოდი	კომენტარები
პროგრამის სასწავლო კომპონენტი					
I სემესტრის სავალდებულო კურსები					
1.1	კვლევის მეთოდოლოგია სოციალურ მეცნიერებებში - ემპირიული კვლევის მეთოდები ¹	30	5	I სემესტრი	საუნივერსიტეტო სავალდებულო

¹ ამ კურსის გასავლელად მნიშვნელოვანია დოქტორანტს ჰქონდეს ცოდნა, რომელიც შეესაბამება მაგისტრატურის საგანმანათლებლო პროგრამაში შემოთავაზებულ სასწავლო კურსში „კვლევის მეთოდები“ გაწერილ კომპენტენციებს. თუ მას შესაბამისი კომპენტენცია არ გააჩნია, მაშინ ის შესაბამისი პროგრამის



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

სავალდებულო კრედიტების რაოდენობა I სემესტრში				5	
II სემესტრის სავალდებულო კურსები					
2.1	დარგობრივი სემინარი		15	II სემესტრი	სწავლების მეთოდოლოგია
სავალდებულო კრედიტების რაოდენობა II სემესტრში				15	
III სემესტრის სავალდებულო კურსები					
3.1	პროფესორის ასისტენტობა		5	III სემესტრი	საუნივერსიტეტო სავალდებულო კურსი. საბაკალავრო ან სამაგისტრო დონეზე სემინარების, პრაქტიკუმების გაძღოლა; შუალედური და საგამოცდო საკითხების, ტესტების მომზადება; სტუდენტთა საბაკალავრო და სამაგისტრო ნაშრომების რეცენზირება; საბაკალავრო ნაშრომის ხელმძღვანელობა. დოქტორანტის მიერ შესრულებული სამუშაოს საფუძველზე მზადდება ანგარიში(ფორმა #3)
სავალდებულო კრედიტების რაოდენობა III სემესტრში				5	
არჩევითი კურსები (სავალდებულოა მინიმუმ 15 კრედიტის დაგროვება)					
5.1	კლასიკური ტექსტები საერთაშორისო ურთიერთობებში	30	5	I, II ან III სემესტრი	სპეციალობის საკითხთან დაკავშირებული სემინარი
5.2	კვლევის დიზაინი - კვლევითი კითხვის შერჩევა და დასმა, მეთოდოლოგიის შერჩევა და კვლევითი პროექტის წერა	15	5	I სემესტრი	კვლევის მეთოდოლოგია
5.3	თანამედროვე დებატები საერთაშორისო ურთიერთობებში	30	5	I, II ან III სემესტრი	სპეციალობის საკითხთან დაკავშირებული სემინარი
5.4	სხვა საუნივერსიტეტო არჩევითი კურსები		15	I, II ან III სემესტრი	საუნივერსიტეტო არჩევითი კურსი

მაგისტრატურის საფეხურზე გადის ზემოხსენებულ კურსს და შემდეგ ირჩევს სასწავლო კურსს სადოქტორო საგანმანათლებლო პროგრამაში.



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

კრედიტების რაოდენობა სასწავლო კომპონენტში					40
კვლევითი კომპონენტი					
6.1	კოლოკვიუმი 1			IV სემესტრი	დოქტორანტის კანდიდატად დამტკიცება (ხელმძღვანელის დასკვნის საფუძველზე კვლევითი პროექტის დაცვისა და დისერტაციის პირველი და/ან მეორე თავების შეფასების შესახებ)
6.2	კოლოკვიუმი 2			V სემესტრი	დისერტაციის დარჩენილი ნაწილიდან ერთი ან ორი თავის წარდგენა
6.3	კოლოკვიუმი 3				
6.3	სადოქტორო ნაშრომის აპრობაცია				
6.4	სადოქტორო ნაშრომის დაცვა		140	VI სემესტრიდან	
კრედიტების რაოდენობა კვლევით კომპონენტში					40
კრედიტების საერთო რაოდენობა					40

სტუდენტის ცოდნის შეფასების სისტემა:

სტუდენტების შეფასების პროცედურები შესაბამისობაშია საქართველოს კანონმდებლობასთან და უნივერსიტეტის წესდებასთან. სტუდენტი ყოველ საგანში ფასდება ECTS-ის სისტემით (კრედიტის მინიჭების საფუძველზე), 100-ქულიანი სისტემით. დაუშვებელია სტუდენტის სემესტრული მიღწევის შეფასება მხოლოდ სემესტრის ბოლოს ჩატარებული გამოცდის მიხედვით (შეფასება ითვალისწინებს შუალედურ და დასკვნით შეფასებებს, რომელთა ჯამი 100 ქულაა). შეფასების მეთოდებით ადექვატურად მოწმდება პროგრამაში განსაზღვრული სწავლის შედეგების მიღწევა. შეფასებისას გამოყენებულია მრავალფეროვანი კომპონენტები.

შეფასების სისტემა		
A	91 -100	ფრიადი
B	81 -90	ძალიან კარგი
C	71 -80	კარგი
D	61 -70	დამაკმაყოფილებელი
E	51 - 60	საკმარისი
FX	41 - 50	ვერ ჩააბარა, სტუდენტს ეძლევა დამატებით გამოცდაზე გასვლის უფლება (ერთხელ გადაბარების უფლება) შედეგის გამოცხადებიდან 5 დღის ვადაში.
F	0 – 40	ჩაიჭრა, სტუდენტმა კრედიტის მიღებისთვის თავიდან უნდა გაიაროს კურსი.



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

გათვალისწინებულია „უმაღლესი საგანმანათლებლო პროგრამების კრედიტებით გაანგარიშების წესის დამტკიცების შესახებ“ საქართველოს განათლების და მეცნიერების მინისტრის 2007 წლის N3 ბრძანება, რომლის მიხედვით: საგანმანათლებლო პროგრამის კომპონენტში, FX- ის მიღების შემთხვევაში უმაღლესი საგანმანათლებლო დაწესებულება ვალდებულია დამატებითი გამოცდა დანიშნოს დასკვნითი გამოცდის შედეგების გამოცხადებიდან არანაკლებ 5 დღეში. აღნიშნული ვალდებულება არ ვრცელდება დისერტაციის, სამაგისტრო პროექტის/ნაშრომის, შემოქმედებითი/სამემსრულებლო ნამუშევრის ან სხვა სამეცნიერო პროექტის/ნაშრომის მიმართ. საბოლოო ქულის ფორმირება ხორციელდება შემდეგი წესით:

ქულათა მაქსიმალური რაოდენობიდან	შეფასება	შეფასების კვალიფიკაცია	შეფასების GPA
91–ზე მეტი	(A) „ფრიადი“	დადებითი	4.0
81 – 90	(B) „ძალიან კარგი“	დადებითი	3.0
71– 80	(C) „კარგი“	დადებითი	2.0
61 – 70	(D) „დამაკმაყოფილებელი“	დადებითი	1.0
51 – 60	(E) „საკმარისი“	დადებითი	0.5
41 – 50	(FX) „ვერ ჩააბარა“	უარყოფითი	0.0
40 და ნაკლები	(F) „ჩაიჭრა“	უარყოფითი	0.0

სადისერტაციო ნაშრომი ფასდება საუნივერსიტეტო სტანდარტის შესაბამისად.

სადისერტაციო ნაშრომის დაცვის კომისიის წევრების მიერ დისერტაციის შეფასება ხდება კონფიდენციალურად, ასქულიანი სისტემით.

დისერტაციის საბოლოო შეფასებისათვის სადისერტაციო ნაშრომის დაცვის კომისიას გამოყავს ქულათა საშუალო არითმეტიკული, რომელსაც შეუფარდებს შეფასებას შემდეგი სისტემის მიხედვით:

სადისერტაციო ნაშრომის შეფასება:

- ა) "summa cum laude" - "ფრიადი" – შესანიშნავი ნაშრომი – შეფასების 91-100 ქულა;
- ბ) "magna cum laude" - "ძალიან კარგი" – შედეგი, რომელიც წაყენებულ მოთხოვნებს ყოველმხრივ აღემატება, შეფასების 81– 90 ქულა;
- გ) "cum laude" - "კარგი" – შედეგი, რომელიც წაყენებულ მოთხოვნებს აღემატება, შეფასების 71– 80 ქულა;
- დ) "bene" - "საშუალო" – საშუალო დონის ნაშრომი, რომელიც წაყენებულ ძირითად მოთხოვნებს აკმაყოფილებს, შეფასების 61–70 ქულა;
- ე)² "rite" - "დამაკმაყოფილებელი" – შედეგი, რომელიც, ხარვეზების მიუხედავად, წაყენებულ მოთხოვნებს მაინც აკმაყოფილებს, შეფასების 51– 60 ქულა;

² „ა“-„ე“ ქვეპუნქტებით გათვალისწინებული შეფასების მიღების შემთხვევაში დოქტორანტს ენიჭება დოქტორის აკადემიური ხარისხი;



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

ვ) "insufficienter"- "არადამაკმაყოფილებელი" – არადამაკმაყოფილებელი დონის ნაშრომი, რომელიც ვერ აკმაყოფილებს წაყენებულ მოთხოვნებს მასში არსებული მნიშვნელოვანი ხარვეზების გამო; შეფასების 41–50 ქულა;

ზ) "sub omni canone" - "სრულიად არადამაკმაყოფილებელი" – შედეგი, რომელიც წაყენებულ მოთხოვნებს სრულიად ვერ აკმაყოფილებს, შეფასების 40 ქულა და ნაკლები.

მე-2 პუნქტის „ვ“ ქვეპუნქტით გათვალისწინებული შეფასების მიღების შემთხვევაში დოქტორანტს უფლება ეძლევა ერთი წლის განმავლობაში წარადგინოს გადამუშავებული სადისერტაციო ნაშრომი;

ხოლო „ზ“ ქვეპუნქტით გათვალისწინებული შეფასების მიღების შემთხვევაში დოქტორანტი კარგავს იგივე სადისერტაციო ნაშრომის წარდგენის უფლებას.

9. სამეცნიერო კვლევების მატერიალურ-ტექნიკური ბაზა

პროგრამის სტუდენტებს უფლება აქვთ ისარგებლონ სოციალურ მეცნიერებათა ცენტრის ბიბლიოთეკით, რომელიც გამიზნულია სპეციალურად სოციალური მეცნიერებებისთვის; მსგავსი ტიპის ბიბლიოთეკები მცირე რაოდენობით თუ მოიპოვება საქართველოში. აღნიშნული ბიბლიოთეკა გამოიყენება როგორც თსუ-ს სტუდენტების, ასევე აკადემიური პერსონალის მიერაც.

პროგრამის სტუდენტებს ასევე უფლება აქვთ ისარგებლონ სოციალურ მეცნიერებათა ცენტრის ბაზაზე არსებული კომპიუტერული ტექნიკით.

10. პროგრამაზე შესაძლებელია ერთი აკადემიური წლის განმავლობაში 5 დოქტორანტის მიღება

11. საკონტაქტო პირი:

თორნიკე თურმანიძე

მობ.: 577 52 83 00

ელ.ფოსტა: tornike.turmanidze@tsu.ge; tornike_t@hotmail.com

კონსტანტინე შუბითიძე

მობ.: 558 20 83 10

ელ.ფოსტა: konstantine.shubitidze@tsu.ge



სსიპ - ივანე ჯავახიშვილის სახელობის თბილისის სახელმწიფო უნივერსიტეტი

დანართი

განაცხადის ფორმა

სადოქტორო - კვლევითი პროექტის გეგმა (პროსპექტუსი)

ივანე ჯავახიშვილის სახელობის თბილისის სახელმწიფო უნივერსიტეტი

სოციალურ და პოლიტიკურ მეცნიერებათა ფაკულტეტი

სახელი, გვარი:

სადოქტორო პროგრამა:

სადოქტორო კვლევითი პროექტის სათაური:

ა) საკვლევი თემა:

(განსაზღვრეთ საკვლევი თემა და დაასაბუთეთ მისი აქტუალობა).

სიტყვების მაქსიმალური რაოდენობა - 200

ბ) კვლევის მიზანი და ამოცანები, საკვლევი კითხვები, ან/და ჰიპოთეზები (საჭიროების შემთხვევაში).

სიტყვების მაქსიმალური რაოდენობა - 150

გ) კონცეპტუალური/თეორიული ჩარჩო და ლიტერატურის მიმოხილვა:

(წარმოადგინეთ ლიტერატურის მიმოხილვა, რომელიც განსაზღვრავს საკვლევი თემის შესახებ არსებულ ცოდნას და ახალი ცოდნის შექმნის საჭიროებას).

სიტყვების მაქსიმალური რაოდენობა - 500

დ) მეთოდოლოგია და კვლევის განხორციელების ეტაპები:

(აღწერეთ კვლევის მეთოდოლოგია, რომლის საშუალებით იქნება მიღწეული კვლევის მიზანი.

სიტყვების მაქსიმალური რაოდენობა - 400

ხელმოწერა:

თარიღი: